



古今名醫類案

第九卷

翻花瘡	腫癭	癰贅	癩風	風痺	黃疽	淋閉
疔瘡	瘡瘍	瘡	癰腫	四肢病	癩疹	秘結

特別
49
517
3





名醫類案卷之九

明新都篁南江瓘集

長子應元校正
次子應宿述補

淋閉

壺仙翁治瓜州趙按察病臌脹不能食洩遺血衆醫以爲熱下以太黃之劑神乏氣脫而不能寐召翁診其脉告曰病得之勞傷心血又則脾胃俱受傷耳所以知按察之病者切其脉左寸沉右寸過左一倚兩關弦濇尺反盛蓋煩勞不勝則逆鬱而不通不通則不能升降而作臌脹臌脹則不食肉沸而不下則關索閉而洩且不輸

故溲遺血乃和以八補之劑兼五鬱之藥不數日而愈
越三月復作如前治立除

陝人高文病淋一日口噤厥逆他醫以為風翁曰誤矣此
熱客膀胱故難溲耳投以八正散二服而溲大行病且
愈所以知文之病者診其脉尺沈而大按之而堅知病
之在下也膀胱者津液之府氣化則能出此蓋由於熱
淋而更接內故移熱於膀胱而使溲難也

東垣治一人病小便不利目睛突出腹脹如鼓膝以上堅
硬皮膚欲裂飲食且不下服甘淡滲泄之藥皆不効李
曰疾深矣非精思不能處思之半夜曰吾得之矣內經
有云膀胱者津液之府必氣化乃能出焉今服淡滲之

藥而病益甚者是氣不化也啟玄子云無陽則陰無以
生無陰則陽無以化甘淡氣薄皆陽藥獨陽無陰其欲
化得乎明日以滋腎丸群陰之劑投之再服而愈方見丹溪
長安王善支病小便不通漸成中滿腹大堅硬如石壅塞
之極腿脚堅脹裂出黃水雙睛凸出晝夜不得眠飲食
不下痛苦不可名狀伊戚趙謙甫詣季求治視歸從夜
至且耿耿不寐究記素問有云無陽則陰無以生無陰
則陽無以化又云膀胱者州都之官津液藏焉氣化則
能出矣此病小便癃閉是無陰而陽氣不化也凡利小
便之藥皆淡味滲泄為陽止是氣藥陽中之陰非北方
寒水陰中之陰所化者也此乃奉養太過膏粱積熱損

北方之陰腎水不足膀胱腎之室久而乾涸小便不化
火又逆上而為嘔噦非膈上所至也獨為關非格病也
潔古云熱在下焦填塞不便是關格之法今病者內關
外格之病悉具死在旦夕但治下焦可愈隨處以稟北
方寒水所化太苦寒之味者黃柏知母桂為引用丸如
桐子大沸湯下二百丸少時來報服藥須臾如刀刺前
陰火燒之痛溺如瀑泉湧出卧具皆濕床下成流顧盼
之間腫脹消散李驚喜曰大哉聖人之言豈可不通覽
而執一者也其症小便閉塞而不渴時見躁者是也凡
諸病居下焦皆不渴也二者之病一居上焦在氣分而
必渴一居下焦在血分而不渴血中有濕故不渴也二

者之殊至易別耳

羅謙甫治劉太保淋疾問曰近夏月來同行人多有淋證
氣連使然抑水土耶羅曰此間別無所患獨公所有之
殆非氣連水土使然繼問公近來多食何物曰宣使賜
木瓜百餘對遂多蜜煎之每客至以此待食日三五次
曰淋由此也內經曰酸多食之令人癢奪飲則已曰醋
味致淋其理安在曰小便主氣經云酸入于胃其氣滲
以收上之兩焦弗能出入也不出則留胃中胃中和濕
則下注膀胱之胞胞薄以懦得酸則縮縈約而不通水
道不行故癢而瀦乃作淋也果如言而愈
黃明之六月中小便淋莖中痛不可忍相引脇下痛以川

練子生甘草一錢玄胡索七分人參五分茯苓四分琥珀澤瀉柴胡當歸稍各三分作一服名曰參苓琥珀湯用長流水三盞煎至一盞溫服空心食前大効

中書右丞合刺合孫病小便數而少日夜約至二十餘行臍腹脹滿腰脚沈重不得安卧至元癸未季春羅奉旨治之診視脉得沈緩時時帶數常記小便不利者有三不可一槩而論邪若津液偏滲於腸胃大便泄瀉而小便便澁少一也宜分利而已若熱搏下焦津液則熱濕而不行二也必滲泄則愈若脾胃氣澁不能通利水道下輸膀胱而化者三也可順氣令施化而出也今右丞平素膏粱濕熱內蓄不得施化膀胱竅澁是以起數而見

少也非滲泄分利則不能快利遂製一方名曰茯苓琥珀湯內經曰甘緩而淡滲熱搏津液內蓄臍腹脹滿當須緩之泄之必以其分為主是用茯苓為君滑石甘寒滑以利竅猪苓琥珀之淡以滲泄而利水道故用三味為臣脾惡濕濕氣由蓄則脾氣不洽益脾勝濕必用甘為助故以甘草白水為佐鹹入腎鹹味下泄為陰澤瀉之鹹以瀉伏水腎惡燥急食辛以潤之津液不行以辛散之桂枝味辛散濕潤燥此為因用故以二物為使煎用長流甘瀾水使下助其腎氣大作湯劑令直達于下而急速也兩服減半旬日良愈

丹溪治一老人因疝疾二十多年多服蒼朮烏附等藥疝積

愈又患淋十餘年其間服補黃諸淋藥不効忽頂右邊發一大疽連及缺盆不能食淋痛愈甚叫號困憊時當六月脉短瀼左微似弦皆前烏附積毒所致凝積滯血蓄滿膀胱脉溢為敗血短為血耗忍痛傷血叫號傷氣知其溺後有如敗膿者詢之果然遂先治淋今多取土牛膝根莖葉濃煎湯并四物湯大劑與三日後痛與敗濃漸減五七日淋止瘡勢亦定蓋四物能生血也但食少瘡未收斂用四物加參芪白朮熬膏以陳皮半夏砂仁木香煎取清汁調膏與之遂漸能食一月瘡安

一人小便不通醫用利藥益甚脉右寸頗弦滑此積痰在肺肺為上焦膀胱為下焦上焦閉則下焦塞如滴水之

器必上竅通而後下竅之水出焉以藥大吐之病如失一婦脾疼後大小便不通此痰隔中焦氣聚下焦二陳加木通煎服再一服探吐之

沈宗常治黎字溺不下或竅以藥益閉常曰結絡不解痰成癖法當吐果吐而洩如故

孫琳路鈐本殿前司健兒善醫寧宗為郡王病淋日夜凡三百起國醫罔措有薦之者光宗時在東宮亟召之至孫求二十錢買大蒜淡豉蒸餅三物爛研合和為丸令以溫水下三十九且曰今日進三服病當退三分之一明日再進如之三日則病除已而果然奏官有列或問其說孫曰小兒何緣有淋只是水道不通利蒜豉皆通

利無他巧也

滑伯仁治一婦病艱於小溲中滿喘渴一醫投以葉苓拖
苓諸滑利藥而秘益甚診其脉三部皆弦而瀯曰經云
膀胱者州都之官津液藏焉氣化則能出矣所謂水出
高源者也腫中之氣不化則水液不行病因於氣徒行
水無益也法當治上焦乃製朱雀湯倍以枳桔煎用長
流水一飲而溲再飲氣平數服病已

一婦年六十餘病小溲閉若淋狀小腹脹口吻渴診其脉
沈且澁曰此病在下焦血分陰火盛而水不足法當治
血血與水同血有形而氣無形有形之疾當以有形法
治之卽以東垣滋腎丸服之而愈

韓愈治一人淋素不服藥教以專啖粟米粥絕他味旬餘
減月餘痊

虞恒德治一人年七十秋間患小便不通二十餘日百方
不効後得一方取地膚草搗自然汁服之遂通雖至微
之物而有迴生起死之功故并載之

吳芟山治一婦患淋瀝數而疼痛身煩燥醫以熱淋治之
用八正散連子飲服之愈劇吳診脉沉數無力知氣與
火轉鬱於小腸故也遂與木通交稿節車前子淡竹葉
麥冬燈心甘草稍大腹皮之類服之而安蓋小腸乃多
氣少血之經今病脉係氣鬱反用大黃梔苓味厚苦寒
之藥故寒極傷氣病轉加矣殊不知血中有熱者乃有

形之熱為實熱也氣中有熱乃無形之熱為虛熱也凡
氣中有熱者當行清涼薄劑無不獲効更分血氣多少
之經須辨溫涼厚薄之味審察病機斯無失也

程少隨苦血淋百藥無効偶閱本草因見白冬瓜治五淋
於是日煮食之至七日而愈

唐與王治吳巡檢病不得前洩卧則微通立則不能滑滴
醫通用通小腸藥不効唐因問吳常日服何藥曰常服
黑錫丹問何人結砂曰自為之唐洒然悟曰是必結砂
時鈇不死硫黃飛去鈇砂入膀胱卧則偏重猶可洩立
則正塞水道以故不能通令取金液丹三百粒分為十
服煎薑麥湯下之膀胱得硫黃積鈇成灰從水道下猶

累累如細砂病遂愈夷堅志

夫硫黃之化鈇經方所載苟不察病源而以古方從
事未見其可也

鄞縣尉耿夢得妻苦砂石淋十三年每溺時器中剝剝有
聲痛楚不堪一醫命採苦杖根俗呼為杜牛膝者淨洗
碎之凡一合用水五盞煎耗其四而留其一去滓以射
乳香末少許研調服之一夕愈本事方

元戎載一人小洩不通一切利小洩藥不効以其服附子
太過消盡肺陰氣所不化師用黃連芩解毒而得通
劉子安病腦疽服內托散後泄不止小便大不通亦消肺
陰之過諸藥不効郭子明輩用木通五苓道之愈秘劉

用陳皮茯苓生甘草之類肺氣下行遂通若止用利小便藥其不知本甚矣醫聖元戎

王仲陽治一士人弱冠未婚病遺瀝日久每作虛寒脫泄治之益甚王診得六脉弦數難記至數形骨立不能支王曰此三焦不利膀胱蓄熱爲五淋也患者曰膏血砂垢每溺則其痛不可言乃用局方五淋散加山梔子赤芍藥川木通瞿麥穗蚘蚘衣草滑石末作大劑入燈心二十莖煎服五七日全愈無紊類發既而九日便溲俱不通秘悶欲死王卽令用細灰於患人連臍帶丹田作一泥塘徑如碗大下令用一指厚灰四圍高起以新汲水調朴硝一兩餘令化漸傾入灰塘中勿令漫溢須臾

大小便迸然而出溺中血條皆如指面若非熱解氣使則其如龜竅之小何由連出三四日惡物復得回生再令服黃連解毒丸前後二三載不下三四片矣至今安然不發

一男子患淋久囊大如毬莖如搥因服利藥多痛甚脉微弱如線以參芪歸朮加肉桂玄胡各一錢木通山梔赤芍為赤茯苓甘草稍等藥一服痛稍減二服小溲利四服愈

程明祐治昌江一人新娶夏自患淋濁澁痛投藥清利遂苦楚眼痛再服洗心涼肝口苦下泄久之盜汗潮熱程診之脉緩弱無力左瀉而微曰脉之緩而弱脾虛也瀉

而微者血不足也投以益元氣養血之劑病良已

薛立齋治大尹劉天錫內有濕熱大便滑利小便瀦滯服
淡滲之劑愈加滴瀝小腹腿膝皆腫兩眼脹痛此腎虛
熱在下焦淡滲導損陽氣陰無以化遂用地黃滋腎二
九小便如故兩足浮腫小便不利大便不實脉浮大按
之微細兩寸皆短此脾腎虛損朝用補中益氣加薑附
夕用金匱腎氣丸加骨脂肉果各數劑諸症漸愈再佐
以八味丸兩月乃能步履却服補中八味半載而康

石山治一人形肥蒼白年五十餘病淋沙石澀痛醫用五
苓或琥珀八政散之類病益加汪診脉皆濡弱而緩近
駛曰此氣血虛也經曰膀胱者津液之府氣化出焉今

快堂作賦

病氣虛不惟不能運化蒸滯而亦氣緩不能使之出也
經又云血主濡之血少則莖中枯澀水道不利安得不
淋醫用通利血愈燥氣愈傷矣遂用大補湯加牛膝煎
服月餘病減仍服八味丸除附子加黃芪服半月餘安
程仁甫治浮潭汪尚新之父年五十餘六月間忽小便不
通更數醫已五日矣予診其六脉沈而細曰夏月伏陰
在內因用冷水涼藥過多氣不化而愈不通矣用五苓
散倍加肉桂外用葱白煎水熱洗下劑頓通

江篁南治一人年三十餘患淋數年每飲酒或勞後即發
小便澀紅日夜數十行點滴頻數且痛素嗜酸久藥不効
診左手浮小而快右沈大近瀼曰此氣血虛也經曰膀胱

膀胱者津液之府，氣化出焉。今病氣虛，不惟不能運化，蒸
溽而亦氣饒，不能使之出也。經又云：血主濡之。血少則
莖中枯澁，水道不利，安得不淋？况多服通利，血愈燥，氣
愈傷矣。又素嗜酸，酸入于胃，其氣滯以收上之兩焦，弗
能出入也。不出則留胃中，胃中和溫則下注膀胱之胞，
胞薄以濡得酸則縮捲約，而不通水道，不行故癢。而滯
內經曰：酸多食之令人癢，是也。為用大補湯加牛膝煎
服數劑，稍愈。乃製八味丸，除附子加黃耆，更以生甘草
川練子人參玄胡茯苓相間服而愈。

張文學道卿傳治血淋方：獨蒜一枚，山梔子七枚，鹽少許，
三物共搗如泥，貼患人臍上，所親患血淋二年餘，殊甚。

諸醫治之罔效。丁日張過視，謾試以前方，即時去紫黑
血片，碗許遂愈。

濮陽傳云：有便血淋者，取旱蓮草水煎服，隨愈。

少微述季父守信州時年五十餘，值憂勞，患身熱作嘔，月
餘脫肉破脬，小便淋瀝白如膏，飴官醫凌生檢一按，名
曰膏淋，用六君加遠志一服，有奇功，果依方一匕而起。

秘結

丹溪治一老人因內傷挾外感自誤汗後以補藥治愈脈尚洪數朱謂洪當作天論年高誤汗後必有虛症乃以參朮歸芪陳皮甘草等自言從病不曾更衣今虛勞進痛不堪欲用利藥朱謂非實秘為氣因誤汗而虛不得充腹無力可勞仍用前藥間以肉汁粥及瑣陽粥之丹溪本草謂瑣陽味甘可食若煮粥尤佳補陰氣治虛而濃大便結燥又謂肉苁蓉峻補精血兼用動大便滑煎荔枝湯浸下體下軟塊五六枚脈大未斂此血氣未復又與前藥二日小便不通小腹滿悶煩苦仰臥則點滴而出朱曰補藥未至倍參芪服二日小便通至半月愈

一婦產後秘結脈沈細服黃柏知母附子愈

丹溪治其母年老多痰飲大便燥結時以新牛乳猪脂和糜粥中進之雖得暫時滑利終是膩物積多次年夏時鬱為粘痰發為腸瘡作甚甚困苦思而得節養之說時進參朮等補胃補血之藥隨天令加減遂得大府不燥面色瑩潔因成一方用參朮為君牛膝芍藥為臣陳皮茯苓為佐春加川芎夏加五味黃芩麥冬冬加當歸身倍生薑下日一貼或二貼小便纔覺短少便進此藥小便之長如舊即是卻病捷法

一婦年五十患小便澁治以八正散等劑小腸脹急不通身如芒刺朱以所感霖淫雨濕邪尚在表因用蒼朮為

君附子佐之發表一服即汗小便隨通

一人年八旬小便短澹分利太過致涓滴不出蓋飲食過傷其胃氣陷於下焦用補中益氣湯一服即通

史載之治蔡元長苦大便秘國醫用藥俱不能利蓋元長不肯服大黃故也時史未知名往謁之闔者齟齬久之乃得見既而診脈史欲出奇曰請求二十文錢元長問何爲曰欲市紫苑耳史遂以紫苑末之而進須臾大使遂通元長驚異問故曰大腸肺之傳送今之便秘無他肺氣濁耳紫苑能清肺氣是以通也自是醫名大著北窓炙輿

饒醫熊彥誠年五十餘病前後閉便澉不通五日腹脹如

鼓同輩環視皆不能措力與西湖妙臬僧慧月善遣書邀致訣別月驚馳而往過釣橋逢一異客半姿瀟灑揖之曰方外高士何子子走趨如此月曰一善友久患便秘勢不可療急欲往問耳客曰此易療也待奉施一藥即脫靴入水探一大螺而出曰事濟矣持抵其家以鹽半匕和殼生搗碎置病者臍下一寸三分用寬帛緊繫之仍辨觸器以須其通熊昏不知人妻子聚泣曾未安席者然暴下而愈月歸訪異人無所見矣類編

王克明治胡東妻便秘腹脹踴踰旬克明視之時東家方會食王曰吾愈之使預會可乎以半硫丸碾生薑調乳香下之俄起對食如常

虞恒德治一婦年五十餘身材瘦小得大便燥結不通飲食少進小腹作痛虞診之六脉皆沈伏而結滯作血虛治用四物湯加桃仁麻仁煨大黃等藥數服不通反加滿悶與東垣枳實導滯丸及備急大黃丸等藥下咽片時即吐出蓋胃氣虛而不能反留性速之藥耳遂以備急大黃丸外以黃蠟包之又以細針穿一竅令服三九蓋以蠟匱者制其不犯胃氣故得出幽門達大小腸也明日下燥屎一升許繼以四物湯加減作湯使香潤腸丸如此調理月餘得大便如常飲食進而安

一男子因出痘大便閉結不通兒醫云便實為佳兆自病至痘瘡愈後不如廁者凡二十五日肛門連大腸痛甚

叫號聲徹四鄰用皂角末及蜜煎導法服以大小承氣湯及枳實導滯丸備急丸皆不効詢無所由虞曰此痘瘡餘毒鬱熱結滯於大小腸之間而然以香油一大盞令飲自朝至暮亦不効乃令婢者口含香油以小竹筒一箇套入肛門以油吹入過半時許病者自云其油入腸內如蚯蚓漸漸上行再過片時許下黑糞一二升止因睡而安

薛已治一儒者大便素結服搜風順氣丸后胃膈不利飲食善消面帶陽色左關尺脉洪而虛薛曰此是三陰虛也彼不信乃服潤腸丸大便不實肢體倦怠與補中益氣六味地黃丸月餘而驗年許而安若脾肺氣虛者用

補中益氣湯若脾經鬱熱者用加味歸脾湯若氣血虛者用八珍湯加肉蓯蓉若脾經津液涸者用六味丸若發熱作渴飲冷者用竹葉黃芩湯若燥在直腸用猪膽汁導之若肝膽邪侮脾者用小柴胡加山梔郁李枳殼若膏梁厚味積熱者用加味清胃散亦有熱燥風燥陽結陰結者當審其因而治之若復傷胃氣多成敗症

一老儒素有風熱飲食如常大便十七日不通肚腹不脹兩尺脈洪大而虛此陰火內燬津液用六味丸二十餘劑至三十二日始欲去用猪膽潤而通如常

一婦人年七十三痰喘內熱大便不通兩月不寐脈洪大重按如細此屬肝肺腎虧損朝用六味丸夕用逍遙散

各三十餘劑計所進飲食百餘碗腹始痞悶乃以猪膽汁導而通之用十全大補調理而安若間前藥飲食不進諸症復作

一男子年五十餘因怒少食大便不利服潤腸丸大便秘結胃脇作痛欲兼服脾約丸肝脾脈浮而瀦薛曰此足三陰精血虧損之症也東垣先生云若人胃強脾弱約束津液不得四布但輸膀胱小便數而大便難者用脾約丸若人陰血枯槁內火熾灼肺受邪土受木傷脾肺失傳大便秘而小便數者用潤腸丸令滋其化源則大便自調矣如法果驗

一儒者懷抱憂鬱大便秘結食少乃傷脾之變症也遂用

加味歸脾湯治之飲食漸進諸症漸退但大便尚瀉兩
額赤色此肝腎虛火內傷陰血用八珍湯加茯苓麥冬
五味至三十餘劑大便自潤

一男子患症同前服太黃等藥泄瀉便血遍身黑黯薛視
之曰此陰陽二絡俱傷也經曰陽絡傷則血外溢陰絡
傷則血內溢此不治也已而果然

職方陳莪齋年踰六旬先因大便不通服內疏等劑後飲
食少思曾腹作脹兩脇作痛形體倦怠兩尺浮大左關
短瀼右關弦瀼時五月請治薛曰此命門火衰不能生
壬而肺金又尅肝木恐金旺之際難起矣果然

汪石山治一婦因改醮乘輻勞倦加以憂懼成婚之際遂

病小腹脹痛大小便秘結不通醫以硝黃三下之隨通
隨閉病增曾膈胃脘脹痛自汗食少汪診之脉皆濡細
近駛心脉頗大右脉覺弱汪曰此勞倦憂懼傷脾也蓋
脾失健運之職故氣滯不行以致秘結今用硝黃但利
血而不能利氣遂用人參二錢歸身錢半陳皮枳殼黃
芩各七分煎服而愈

江汝潔治一人患前後閉三四日且不能食甚危急江視
之曰頭痛耳鳴九竅不利腸胃之所生也經曰北方黑
色入通于腎開竅於二陰藏精於腎精不足則二便難
以瓊陽三錢酒洗焙乾為末煮粥強與服之是晚二便
俱利飲食亦進

江應宿治從姪婦患秘結因產後月餘如廁忽跨痛如閃
大小便不通已經四五日雜進通利淡滲之藥罔効予
適歸倉惶告急云前後脹腫手不敢近近之則愈痛雖
不見脉其形氣病氣俱實與桃仁承氣湯加紅花一
劑暴下而愈

黃疸

東垣治一人年六十二素有脾胃虛損病日疾時作身面
目睛俱黃小便或黃或白大便不調飲食減少氣短上
氣怠惰嗜臥四肢不收至六月中日疾復作醫以瀉肝
散下數行而前疾增劇李謂大黃牽牛雖除濕熱而不
能走經絡下咽不入肝經先入胃中大黃苦寒重虛其
胃牽牛其味至辛能瀉氣重虛肺本嗽大作蓋標實不
去本虛愈甚加之適當暑雨之際素有黃症之人所以
增劇也此當于脾胃肺之本臟瀉外經中之濕熱以茯
苓升麻各二分澤瀉蒼朮防風各三分生薑四分日清
神益氣湯主之而愈此藥能走經除濕熱而不守故不

瀉本臟補肺與脾胃本中氣之虛弱

衛生至理羅謙甫治元顏正卿二月間因官事勞役飲食不節心火乘脾胃氣虛弱又以恚怒氣逆傷肝心下痞滿四肢困倦身體麻木次傳身自俱黃微見青色顏黑心神煩亂怔忡不安元元欲吐口生惡味飲食遲化時下完穀小便便癃閉而赤黑辰巳間發熱日暮則止至四月元盛羅診其脈浮而緩金匱要略云寸口脈浮為風緩為痺痺非中風四肢苦煩脾色必黃瘵熱已行跌陽脈緊為傷脾風寒相搏食穀則眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸以茵陳葉一錢茯苓五分梔子仁蒼朮去皮炒白朮各三

錢生黃芩六分黃連枳實猪苓去皮澤瀉陳皮漢防己各二分青皮去白一分作一服以長流水三盞煎至一盞名曰茯苓梔子茵陳湯一服減半二服良愈內經云熱淫於內治以鹹寒佐以苦甘又濕化于火熱反勝之治以苦寒以苦泄之以淡滲之以梔子茵陳苦寒能瀉濕熱而退其黃故以為君難經云苦主心下滿以黃連枳實苦寒泄心下痞滿肺主氣今熱傷其氣故身體麻木以黃芩苦寒瀉火補氣故以為臣二木苦甘溫青皮苦辛溫能除胃中濕熱泄其壅滯養其正氣漢防己苦寒能去十二經留濕澤瀉鹹平茯苓猪苓甘平導膀胱中濕熱利小便而去癃閉也

至元丙寅六月時雨霖霖人多病瘟疫真定韓君祥因勞
後過度渴飲涼茶及食冷物遂病頭痛肢節亦疼身體
沈重曾滿不食自以為外感內傷用通聖散二服添身
體困甚醫以百解散發其汗越四日以小柴胡湯二服
後加煩熱躁渴又六日以三一承氣湯下之躁渴尤甚
又投白虎加入參柴胡飲子之類病愈增又易醫用黃
連解毒湯硃砂膏至寶丹之類至十七日後病勢轉增
傳變身自俱黃肢體沈重背惡寒皮膚冷心下痞硬按
之而痛眼溢不欲開目睛不了了懶言語自汗小便利
太便了而未了羅診其脉緊細按之空虛兩寸脉短不
及本位此證得之因時熱而多飲冷加以寒涼寒藥過

度助水乘心反來侮土先囚其母後薄其子子經云薄所
不勝乘所勝也時值霖雨乃寒濕相合此為陰症發黃
明也羅以茵陳附子乾薑湯主之至真要內經云寒淫於內治
以甘熱佐以苦辛濕淫所勝平以苦熱以淡滲之以苦
燥之附子乾薑辛甘大熱散其中寒故以為主半夏草
荳蔻辛熱白朮陳皮苦甘溫健脾燥濕故以為臣生薑
辛溫以散之澤瀉甘平以滲之枳實苦微寒泄其痞滿
茵陳苦微寒其氣輕浮佐以薑附能去膚腠間寒濕而
退其黃故為佐使也煎服一兩前症減半再服悉去又
與理中湯服之數日氣得平復或者難曰發黃皆以為
熱今暑隆盛之時又以熱藥治之而愈何也羅曰主乎

理耳成無已云陰症有二一者始外傷寒邪陰經受之或因食冷物傷太陰經也二者始得陽症以寒治之寒涼過度變陽為陰也今君祥因天今暑熱冷物傷脾過服寒涼陰氣太勝陽氣欲絕加以陰成寒濕相合發而為黃也仲景所謂當於寒濕中求之李思順云解之而寒涼過劑瀉之而遂寇傷君正以此耳聖賢之制豈敢越哉或曰潔古之學有自來矣

王叔和劉宗厚治趙顯宗病傷寒至六七日因服下藥太過致發黃其脉沈細遲無力皮膚涼發躁欲於泥中卧喘嘔小便赤澁先投茵陳橘皮湯喘嘔止次服小茵陳湯半劑脉微出不欲於泥中卧次日又服茵陳附子湯半劑四

肢發熱小便二三次當日中大汗而愈似此治愈者不一錄凡傷寒病黃每遇太陽或太陰司天歲若下之太過往往變成陰黃蓋尿成太陽寒水司天水來犯土丑未太陰濕土司天土氣不足即脾胃虛弱亦水來侵犯多變此證也

醫學正傳虞恒德治一人年三十餘得穀疸症求治以胃苓湯去桂加茵陳數十貼黃退自以為安不服藥十數日後至晚目盲不見物虞曰此雀目蓋濕痰盛而肝火有餘也用積猪肝煮熟和夜明砂作丸服之目明如故來謝虞曰未也不早服制肝補脾消痰之劑必成壘脹侯不信半月後腹漸脹痞滿復求治仍以胃苓湯倍二朮加木

通參冬煎湯下褪金九一月而安

作者江

箕南治一人夏月患食疽面目俱黃如金頭痛如破小
洩澁難多汗用車前草搗汁調益元散服之小洩即利
乃與補中益氣湯一貼汗少止繼以人參白虎湯竹葉
石膏湯合服之頭痛亦止諸症多平惟黃未盡退乃以
流氣清熱之劑治之愈

同上猶子

三陽患疽症皮膚目睛皆黃小洩赤左脈弦而數右
三部原不應指今重按之隱隱然指下證見午後發熱
五更方退以茵陳五苓散除桂加當歸梔子黃柏柴胡
數服繼用人參養榮湯乃八物除芎加芪陳皮五味薑
棗兼人乳童洩熱退三日已而復作間日發於午後肌

熱灼指脈近弦乃作瘡治之而愈後數年復患目睛黃
午飯難化則小洩黃以黃芪建中湯除桂加白朮陳
皮茯苓半夏神曲麥芽薑少許而退

可兖山

汪充渠之內年十八因以冷水洗澡帶濕卧簟坐冷
石致腹痛甚醫疑經滯用破血行經之藥不効更醫用
附子理中湯加桂痛稍定次日躁擾謔言不知人醫以
補中加寒涼藥二三服乃覺身熱面自發黃頭暈小洩
黃如金色月事如常但少耳所苦午後發熱咽喉不清
常作聲咳嗽初秋江診之脈左右皆浮大而駛而右尤
躁疾方以蒼白朮茵陳澤瀉茯苓猪苓柴胡黃蘗梔子
薑皮等藥次日脈稍平以陳皮桔梗玄參併前方出入

增損數服而愈

揚州吳世德患胃腹作滯小溲黃澁目睛黃甚惡風鼻塞
飲食作惡暑月江診左脉沈小而緩右頗大而弦脾部
帶滑乃食傷太陰為食疽症也兼風寒外襲法宜疎利
消導以防風蒼朮茵陳蘇葉陳皮茯苓猪苓澤瀉枳實
薑葱前服夜來小溲頗長早因驚悸出汗一時許乃用
五苓去桂加滑石茵陳合平胃散四服胃膈寬小溲色
漸淡而長面自皮膚黃漸退臨卧喉口作乾大便燥口
臭前方減厚朴蒼朮加白朮數服而愈

癩疹

丹溪治一乳孩因胎毒兩腋生癩後腹脹發赤疹如霞片
以剪刀草汁調原蠶砂付之愈

滄洲翁二條滑伯仁一條見傷寒類

完顏小將軍病寒熱間作有癩三五點鼻中微血出兩手
脉沈瀋胃膈四肢按之殊無大熱此內傷寒也問之因
暑卧殿角傷風又渴飲水酪水此外感者輕內傷者重
從內病俱為陰也故先癩衄後顯內陰寒熱間作脾亦
有之非往來少陽之寒熱也與調中湯數服而愈

中湯出玉機
微義癩疹門

江篁南治章初一人年五十因伐木受濕夏間裁遇熱汗

衣則皮膚發紅疹隱隱如布粟狀少取涼汗收則疹漸
沒素有鳴腸之症自患前恙則腸不復鳴矣江曰此症
雖有陰陽輕重俱從火化此無根失守之火聚於胃中
上獨熏肺蓋肺主氣主皮毛遇熱汗衣傷之則傳於皮
膚而為疹矣取涼汗收而疹沒者火散而疹自退承乃
制之義也腹中鳴乃火擊動其水昔有而今無者火從
中達外也若不節食絕慾早拔其根他日恐成厲風也
其人食慾不能節已而果成厲風不治

風痺

唐與正治一 女年數歲得風痺疾先發於臆迺遷延上赤
腫痛痒醫以上膈風熱治之不効唐診之曰是肝肺風
熱盛極耳以升麻羌活荆芥鼠粘子赤芍藥淡竹葉桔
梗乾葛八物治之自下漸退而腫聚於頂其高數寸雖
飲食寢處無妨而疾未去也唐母吳夫人曰此女乳母
好飲熱酒至并歡其糟疾殆因是歟唐方悟所以至頂
不消之由思之惟乾葛消酒且能療火毒乃以先方加
葛三倍使服之二日腫盡去 夷堅志

齊王太后病召臣意入診脉曰風痺客脬 脬脬也言風
難以太小溲溺赤臣意飲以火齊湯一飲即前後溲

再飲病已溺如故病得之流汗出滑音滑者去衣而汗
晞也所以知齊王太后者臣意診其脉切其太陰之口
溼然風氣也脉沈曰沈之而大堅浮之而大緊者病主
在腎七切之而相反也脉大而躁大者膀胱氣也躁者
中有熱而溺赤火齊湯即黃連解毒湯 史記

四肢病

華佗別傳曰瑯琊有女子右股上有瘡痒而不痛愈而復
作佗曰當得稻糠色犬繫馬頸走出五十里斷頭向痒
乃從之須臾有蛇在皮中動以鐵橫貫引出長三尺許
七日愈 獨異志

橋生至盛 羅謙甫治真定張大年近三十素嗜酒至元辛未夏間病
手指節腫痛屈伸不利膝膺亦然心下痞滿身體沉重
不欲飲食食即欲吐面色痿黃精神減少病近月餘羅
診其脉沈而緩緩者脾也難經云膺主體重節痛膺者
脾之所主四肢屬脾蓋其人素飲酒加之時助濕氣大
勝流於四肢故為腫痛內經云諸濕腫痛皆屬脾土仲

景云濕流關節肢體煩痛此之謂也宜以木羌活湯主
之內經云濕淫於內治以苦溫以苦發之以淡滲之又
云風能勝濕羌活獨活苦溫透關節而勝濕敢以為君
升麻苦平威靈仙防風蒼朮苦辛溫發之者也故以為
臣血壅而不流則痛當歸辛溫以散之甘草甘溫益氣
緩中澤瀉鹹平茯苓甘平導濕而利小便以淡滲之也
使氣味相合上下分散其濕也

一人兩足心凸如腫硬如釘脛骨生碎孔流髓身發寒戰
惟思飲酒此肝腎氣冷熱相吞用川烏炮為末付之內
煎韭菜湯服之愈

一人四肢節脫但有皮連不能舉動名曰筋解用黃蘆酒

浸一宿焙為末酒下二錢多服而安

一人手指彎曲骨節間痛不可忍漸至斷落以葶麻子去
殼二兩碎者不用黃連四兩貯瓶內水二升浸之春夏
三日秋冬五日每早面東以此水吞下葶麻子一粒漸
加至四五粒微泄無害忌食動風物屢効

葛可久治同郡富人女年可十七八病四肢萎痺不能自
食目眩衆醫莫能治葛視之笑曰此不難治乃用悉去
房中香奩流蘇之屬發地板掘土為坎畀女子其中局
其扉戒家人俟其手足動而作聲當報我父之手足果
動而呼投藥一丸明日自坎中出矣蓋此女平日嗜香
而脾為香氣所蝕故也

吹劍續錄

趙宜真曰予一故人曾患鼓椎風往來寒熱數月伏枕諸藥不能療最後一醫士診之曰雖成痼疾而有客邪在少陽經未解若曾服五積散則誤矣詢之果然因投小柴胡湯數服寒熱頓除却用本科追風丸等藥理其風證而全瘳矣趙宜真國初人

係文中以醫名吳中鎮南王妃卧病不可起文中入診視王曰疾可為乎對曰臣以針石加於玉體不痊其安用臣遂請妃舉手足妃謝不能文中因請診候按手合谷曲池而針隨以入妃不覺知少選請舉如前妃復謝不能文中曰針氣已行請舉玉手妃不覺為一舉請舉足足舉王大悅明日妃起坐王大設宴賜聲震廣陵

一女子十六歲四腕軟皮髮生惡物如黃豆大半在肉內紅紫色痛甚諸藥不効方士教買水銀四兩以白綿紙二張揉熟蘸水銀擦之三日愈

一人發寒熱四肢堅硬如石擊之有鐘磬聲日黃瘦用茱萸木香等分水煎一二服愈

有人患人面瘡多在股上其形似人面有口眼傳藥上即食之與飲食亦然一日將具毋末傳即密口不受遂拉之瘡口數次遂愈

江左有商人左膊上有瘡如人面亦無他苦商人戲滴酒瘡口中其面亦赤色以物食之亦能食食多則覺膊內肉脹起或不食之則一臂痺有善醫者教其歷試諸不

問草木之類悉試之無苦至貝母其瘡乃聚眉閉口其人喜曰此藥可治也因以小葦筒投其口灌之數日成

加遂愈方

薛立齋治一婦人素清苦四肢患血風瘡誤用敗毒寒涼
補熱內熱自汗盜汗月經不行口乾咽燥此鬱結傷脾
四肢者脾主之用歸脾湯數劑後兼逍遙散五十餘劑
而愈

一人手十指斷壞惟有筋連無節肉內虫出如燈心長數
尺遍身綠毛各血餘用茯苓胡黃連煎服愈

有人患脚瘡及月頓然無事夏月臭爛疼痛不可言一道
人視之曰爾因行草上惹着蛇交遺瀝瘡中有蛇兒冬

換

伏夏出故疼痛也以生蝦蟆搗碎付之日三四換凡三
日有一小蛇自瘡中出以鐵針取之其病遂愈

披青雜說

一人左手無名指爪角生一小瘡初起麻粒大用小刀挑
開瘡頭血出如溺不止一日長出肉瘤如菌畏指頂內
開一孔如眼目轉動此疔毒也以艾灸四十壯不知疼
痛痒復烙之剪去肉瘤敷拔疔散外以膏藥貼之內服
解毒七日全愈

一人手足甲忽然長倒生肉刺如錐食菜自愈
荆州處士侯又玄嘗出郊厠于荒塚上及下跌傷其肘瘡
甚行數百步逢一老人問何所苦也又玄具言且見其
肘老人言偶有良藥可封之十日不開必愈如言及解

視遂落又玄兄弟五六人互病病必出血月餘兄兩臂
忽病瘡六七處小者如榆錢大者如錢皆成人面西陽
程山人孺文見一人手生了枝痛苦無奈一醫用通草為
末以鷄蛋清調塗上即消

馬嗣明從駕往晉陽至遼陽山中數處見榜云有人家女
病若有能治差者購錢十萬名醫多至問病狀不敢下
手惟嗣明獨治之其病由云曾以手將一麥穗即見一
赤物長三寸似蛇入其手指中因驚怖倒地即覺手臂
疼腫漸及半身俱腫疼不可忍呻吟晝夜不絕嗣明為
製方服湯比嗣明從駕還女平復此齊書

正德間神樂觀陸道士生人面瘡在足外腫瘡口似唇而

有舌無齒能言且索食但開口時必大痛垂絕口閉復
甦飲之以酒則四周皆紅啖以脂膏亦能消燦食畢則
閉爽乃稍可但流膿血不止每日一度或二度其發無
常極受苦楚貝母亦不能療如是者一年人問故荅曰
年十七時夜與本房老僕忿爭毆之死房後地曠而風
烈吾師急聚薪焚之天明無知者今經十年瘡自言僕
也忽七日不言以為將瘞矣有兄在牛首寺為僧因往
訪之在寺幾半月忽復言痛絕尤甚曰我纔出數日汝
即避我使我尋之苦也雖然冤亦解矣汝明日下山遇
一樵者可拜求治之明日果遇樵者懇焉樵者厲聲怒
曰業畜敢言我也去半夜瘡汝忽不見恍然回觀夜夢

金甲神人曾掛赤心忠良四字謂曰藥在案上可煎湯服以左手持藥查出水西門外第二十家門首有婦人潑水者即棄于道而返覺起視案有物如亂髮而無端者遂如戒果見婦人棄之歸瘡遂愈日後屢探本婦竟無他不知此何故也

見聞紀訓 如亂髮者疑是青

吳江一農夫兩股赤腫痛甚不能坐立一醫與之剖開中

有小蛤蜊四箇取出遂愈

五湖 粵聞

有人腋下體氣五更時用精肉二片以甘遂末一兩拌之挾腋下至天明以生甘草一兩煎湯飲之良久瀉出穢物須在荒野之處恐傳他人依法三五次即愈虛弱者間為之外用搽藥枯礬一兩二錢轉粉五錢射香一錢

密陀僧二兩童便一碗浸煨便盡為度各為細末津液調傳兩腋下無粉以海螵蛸

癩風

翅

李東垣治一人病癩風滿面連鬚極痒眉毛脫落須用熱水沃之稍緩或砭刺亦緩風論中癩者榮衛熱附氣不清故鼻柱壞而色敗皮膚瘍潰風寒客於脉而不去名曰癩風當刺其腫上以鈹針刺出惡氣腫盡乃止宜蔬食糲飯以破血去熱升陽去痒瀉榮逆辛溫散之甘溫升之行陽明經心火補肺氣乃治之正也升麻連翹各六分當歸全蝎地龍黃芪各三分甘草五分人參二分地黃四分桃仁三枚桔梗五分射香少許胡桐淚一分蜜虫去翹足微炒水蛭二箇炒令烟盡

右到除連翹另到胡桐淚研白豈葱二分為細末二味另放身東蟲水蛭三味為細末另放外都作一服射

水二大盞酒一匙入連翹煎至一盞六分再入白豈葱二味并射等三味煎一二沸服忌生冷硬物
張治一人病癩風十餘年曰足有汗尚可治當發汗真汗當臭涎當腥以三聖散吐之大吐汗果臭痰腥如魚涎次以舟車丸滑川散下五七次數服乃安

一人病風爬搔不已眉毛脫落刺其面大出血如墨刺三次血變色每刺自額至頤銖針上下俱刺間日一次至二十餘日方已

呂滄洲治一女子病癩診其脉來疾去遲上虛下實蓋得之酒醉接內而風毒乘之今雖髮禿眉墮然鼻根幸未陷肌肉幸未死遂以防風通聖散加以下藥下瘀血數升及重穢青黑等物并進斷蛇長松等湯丸復佐以雄

頭發卷九

有本草不詳

黃大楓子油作膏摩之逾月差

丹溪治一貧婦寡居病癩曰是疾世號難治者不守禁忌耳是貧婦而無厚味寡而無慾庶幾可瘳也即自具藥治之後復投四物湯數百劑遂不發動

一人面浮油光微腫色變眉脫痒二世癩風死者三人與醉仙散出涎水如盆而愈

一人面腫色變黑燥痒眉髮脫落手足皮燥厚拆痛痒無全膚有時痒入骨髓爬至血出稍止復作晝夜不服與醉仙再造二藥而愈

一婦兩足脛瘡潰眉落與再造散一服愈年少不能斷慾忌口一年復發其前二人不發者亦非能如法調攝由

病得之未深鼻柱未壞瘡未潰附故耳故人抱病不可不早治也

羅謙甫治段庫使春初病大風滿面連頸極痒眉已脫落須以熱湯沃之則稍緩晝夜數次沃之或破刺亦緩先師曰脉風者癩風也榮衛熱附其氣不清故使鼻柱壞皮膚色敗大風者風寒客於脉而不去治之當刺其腫上以銚針針其處按出其惡氣腫盡乃止瀉心火補肺氣方見東垣治按

釋普明齊州人父止靈巖晚進五臺得風疾眉鬚俱墮百骸腐潰哀號苦楚忽有異人教服長松明不知識復告之云長松生古松可取根餌之皮色如薺苳長三五寸

味微苦類人參清香可愛無毒服之益人兼解諸毒
明採服旬日毛髮俱生顏貌如故今并代間士人多以
長松雜甘草乾山藥為湯煎服甚佳然本草及諸方書
皆不載獨釋慧祥作清涼傳如序之 瀨水蕪談

泉州有客盧元欽染大風惟鼻根未倒屬端生官取蚌蛇
膽欲進或言肉可治風遂取一截蛇肉食之三五日頓
漸可百日平復 朝野僉記

未詳南州有人患大風家人患之山中為起茅舍有烏蛇墮酒
罌中病人不知飲酒漸差罌底見蛇骨方知其由
一僧得病狀如白癩卒不成瘡但每旦取白皮一升許如
蛇蛻醫者謂多啖炙燂所致與局方解毒雄黃丸三四

服愈

趙瞿病癩歷年醫不愈乃齋糧送棄於山穴中瞿自然不
幸吁嗟嘆泣經月有仙人經穴見而哀之具問其詳瞿
知其異人叩頭自陳乞命於是仙人取囊中藥賜之教
其服百餘日瘡愈顏色悅肌膚潤仙人再過視之瞿謝
活命之恩乞遺其方仙人曰此是松脂彼中極多汝可
煉服之長服身轉輕力百倍登危涉險終日不困年百
歲齒不墮髮不白夜卧常見有光如鏡 抱朴子

高駢鎮維揚之歲有術士之家延火燒數千戶主者錄之
當死臨刑謂監刑者曰某之愆一死何以塞責然某有
薄技可以傳授一人俾其救濟後人死無恨矣時駢延

待方士如饑渴監刑者即緩之馳白於駢駢召入親問
之曰其無他術唯善醫大風駢曰可以要之對曰但於
福田院選一最劇者可以試之遂如言乃置患者於隙
室中飲以乳香酒數升則懵然無知以利刀開其腦縫
挑出蟲可盈掬長僅二寸然以膏藥封其瘡口別與藥
服之而更節其飲食動息之候旬餘瘡盡愈纔一月眉
鬚已生肌肉光淨如不患者駢禮術士為上客玉堂間
未詳真臘國人尋常有病多入水浸浴及頻頻洗頭便自痊可
然多病癩者比比道途間士人雖與之同卧同食亦不
校或謂此中風土有此疾曾有國主患此疾故人不之
嫌以愚意觀之徃徃好色之餘便入水澡浴故成此疾

聞土人色慾纏畢入水澡洗其患痢者十死八九亦有
貨藥於市者與中國不類不知其為何物更有一等師
巫之屬與人行持尤可笑說選南人或因縱酒居處
一夜遂成是疾者有之不可不知也卑濕或以蓋酒壘被以蓋身

癰腫

汪石山治一人肥短紫淡年逾三十因勞感濕兩膝腿間
結核痛甚醫用蒜片艾灸又針太敦三陰交又以藥水
洗之遂致陰囊腫脹如升莖皮腫如水泡復進人參散
毒散皆不中病汪診之脉皆濡緩而弱略駛曰此濕氣
乘虛而入鬱而為熱成結核也理宜補中行濕可免後
患月餘左腿內廉厥陰經分腫痛如碗惡寒發熱復用
蒜灸六日後腫潰濃出體倦頭面大汗手足麻木瘡下
又腫如碗寒熱大作始信用人參三錢黃芪三錢白朮
錢半歸身尾牛膝茯苓各一錢青皮黃柏各七分甘草
節五分煎服五六貼右額羊矢穴分腫痛長五寸許亦

聞土人色慾纏畢入水澡洗其患病者十死八九亦有
貨藥於市者與中國不類不知其為何物更有一等師
巫之屬與人行持尤可笑說選 南人或因縱酒居處
早濕或以蓋酒壅被以蓋身
一夜遂成是疾者
有之不可不知也

癰腫

汪石山治一人肥短紫淡年逾三十因勞感濕兩膝腿間
結核痛甚醫用蒜片艾灸又針太敦三陰交又以藥水
洗之遂致陰囊腫脹如升莖皮腫如水泡復進人參散
毒散皆不中病汪診之脉皆濡緩而弱略駛曰此濕氣
乘虛而入鬱而為熱成結核也理宜補中行濕可免後
患月餘左腿內廉厥陰經分腫痛如碗惡寒發熱復用
蒜灸六日後腫潰膿出體倦頭面大汗手足麻木瘡下
又腫如碗寒熱大作始信用人參三錢黃芪三錢白朮
錢半歸身尾牛膝茯苓各一錢青皮黃柏各七分甘草
節五分煎服五六貼右額羊矢穴分腫痛長五寸許亦

作寒熱醫謂補塞太過欲改前方彼不信銳意服前藥
月餘腫皆膿潰成痂而愈惟左脚委中筋急短縮艱於
行步彼疑為疔汪曰膿血去多筋失所養故也藥力足
自當不覺矣果驗後覺陰囊腫繼他醫加茴香吳茱萸
治疝等藥不効汪適至彼令守前方減去治疝等藥加
升麻一錢服一二貼囊即縮彼願詳言之汪曰經云營
氣不從逆于肉理乃生癰腫又云受如持虛蓋謂氣餒
行遲血少留滯則阻逆肉理乃作癰腫也久則鬱而為
熱化肉腐筋而成膿矣膿在厥陰雖曰多血亦難供給
日之所耗夜之所損故邪乘虛留結不散加持虛器而
受物也身之血氣如風與水風疾水急則顛波潰隄莫

之能禦風息水細則沙障石壅多所阻礙矣故今補其
氣血使氣壯而行健血盛而流通又何腫之不散結之
不行哉彼曰理也

龐參

狄仁傑并州太原人性好醫藥尤妙鍼術顯慶中應制入
關路傍有榜云有兒鼻端生贅如拳石綴鼻根蒂如筋
痛楚危亟能療之者酬千金狄公爲腦後下鍼龐贅應
手而落其父母輦千緡爲壽

薛已治一老儒鬢間患此二年後其狀如紫柅下墜蓋目
按之如水囊刺出膿血目即開張以炒黑騰草山柅芎
歸芍藥柴胡白朮茯苓等類而愈

一婦左頂腫如鵝卵不作痛不變色勞則發熱怒則寒熱
經候不調三年矣用加味逍遙散加味歸脾湯間服佐
以海藻散堅九年許而消

一男子鬱怒房勞左脇腫贅如赤桃服流氣化痰之藥其
大愈甚虛症悉具此肝腎過虛也用前藥及地黃丸而
消

儒者朱宏仁年二十餘右手背近中指患龐五枚中一大
者如黃荳餘皆如聚黍拔之如絲長三四寸許此血燥
筋縮用清肝益榮湯五十餘劑而愈

一婦人左手背并次指患五六枚如熟椹薛曰此因肝經
血熱也果月經素不及期當生血涼血為主不信乃用
艾灸手脹發熱手指皆攣兩腋項兼曾乳間皆患龐經
行無期薛用加味道遙散加黃連十餘劑各患漸愈乃
去黃連百餘劑經行如期再用地黃丸三料而全消

有人患此用蜘蛛絲纏七日消爛屢驗焦氏筆乘

瘡

臨川有人瘡生頰間痒不可忍每以火烘灸則差止已而復然苦甚一醫告之曰此真風瘡也當刮而出之取油紙圍頂上然後施破瘡方破小風湧出無數最後一白一黑兩大風皆如豆殼中空空無血與頰了不相干略無癢痕但瘡所障麪正白耳丁志

浮梁李生得背痒疾隱起如覆盆無所痛苦惟奇痒不可忍飲食日減無能識其為何病醫秦德立見之曰此風瘡也吾能治之取藥付其上又塗一綿帶繞其圍經夕瘡破出風斗許皆蠶蠕能行動即日體輕但一竅如著端不合時時風湧出不勝計竟死唐小說載賈魏公鎮

滑臺日州民病此魏公云世間無藥可療惟千年木梳燒灰及薰龍浴水乃能治耳正與此同

麴士蒯亮言其所知額角患瘡醫為割之得二黑右碁子巨斧擊之不傷缺復有足脛生瘡者因至親家為獬犬所斷正齧其瘡其中得針百餘枚皆可用疾亦愈稽神錄
薛已治一男子小腹患此膿水淋漓用補中益氣加麥冬五味以培脾士六味地黃丸以生腎水更用蘆薈丸以清肝火而斂

腫癭

安康伶人刁俊朝其妻巴嫗項癭初若雞卵漸巨如升積五年大如數斛之鼎重不能行有聲如音樂積數年癭外生小穴如針芒者不知幾千億每天陰欲雨則穴中吹白烟霏霏如絲縷漸高布散結為屯雲雨則立降其家少長懼之咸請遠送巖穴妻懼送請決拆之俊朝即淬利刃將及之中軒然有聲遂四分披裂有一大猱跳躍而去即以白絮裹之癭疾頓愈時本定中也後猶有說不具論續玄怪錄

汝州人多病頸癭其地饒風沙沙入井中飲其水則生癭故金房人家井以錫為欄皆以夾錫錢鎮之或沈錫其

中則飲者免此患

華亭有一老僧昔行脚河南管下寺僧童僕無一不病癭時有洛僧共寮每食取携行苔脯同餐經數月僧頂贅盡消若未嘗病寺徒僕嘆訶乃知海崖鹹物能除是疾

癭志

倪仲賢治額顛癭妻年五十餘患癭始生如塊近三年如盆一首痛楚不可忍群醫視之投藥不效老人曰是少陽經為邪所攻耳即投以其藥服之月餘而愈

江應宿治一婦人頸癭知其為少陽厥陰肝膽因鬱怒痰氣所成治以海藻三兩昆布一兩五錢海帶一兩俱水洗淨半夏製小松蘿枯礬蛤粉通草各一兩龍膽草洗

三兩小麥麩炒去濕四兩共為細末食後用酒調下三錢去枕睡片時或臨卧服以消止藥不必盡劑一月愈

瘡瘍

未詳東垣治一人家貧形志皆苦時冬寒於手陽明太陽經分出癰第四日稠膿如少有癰疔其臂外皆腫痛甚先腫在陽明脉左右寸皆短中得之皆弦按之洪緩有力此癰得自八風之變以脉斷之邪氣在表其症大小便如故飲食如常腹中知饑口知味知不在裏也不惡風寒止熱燥脉不浮知不在表也表裏既和邪氣在經脉之中也故凝于經絡為瘡癰出身半已上故風邪上受之故知是八風之變為瘡止經脉之中也治其寒邪調和經中血氣使無凝滯則已也炙甘草一分升麻桔梗五分白芷七分當歸尾生地一錢生芩一錢五分連翹一

錢黃芪二錢中桂紅苓各少許酒水各半同煎至稍熟
臨臥服二服而愈

呂滄洲治一僧偶搔腦中疥忽自血出汨汨如湧泉竟日
不止醫治之不効請呂往視履時已困極無氣可語及
持其脉惟尺部如蛛絲他部皆無即告之曰夫脉血氣
之先也今血妄溢故榮氣暴衰然兩尺尚可按惟當益
榮以瀉其陰火乃作四神湯加荆芥穗防風不問晨夜
併進明日脉漸出更服十全大補一劑遂痊

羅謙甫治半經歷病頭面赤腫耳前後尤甚疼痛不可忍
發熱惡寒牙關緊急涕唾稠粘飲食難下不得安卧一瘍
醫於腫上砭刺四五針腫赤不減其痛益甚不知所由

羅診視其脉浮緊按之洪緩此症乃寒覆皮毛鬱遏經
絡熱不得升聚而赤腫經云天寒則地凍水冰人氣在
身中皮膚緻密腠理閉汗不出血氣強肉堅瀦當是之
時善行水者不能往水善穿地者不能鑿凍善用針者
不得取四厥必待天溫水泮凍解而後水可行地可穿
人脉亦如是也又云冬月閉塞用藥多而少針石也宜
以苦溫之劑溫經散寒則已所謂寒緻腠理以苦發之
以辛散之宜以托裏溫經湯麻黃苦溫發之者也故以
為君防風辛溫散之者也升麻苦平葛根其平解肌出
汗專治陽明經中之邪故以為臣血留而不行者則痛
以香白芷辛溫當歸身辛溫以和血散滯濕熱則腫蒼

木苦甘温體輕浮力雄壯能瀉層腠間濕熱入參甘草
 甘温白芍苦酸微寒調中益氣使托其裏故以為佐依
 方服之以薄衣覆其首厚被覆其身卧於麩麩使經血
 温腠理開寒乃散陽氣發大汗出後腫減八九分再服
 去麻黃防風加連翹黍粘子腫亦悉去經言汗之則瘡
 愈信哉備生寶鑑

未詳丹溪治一人年近五十質弱憂患右左一作膊外側生核紅
 腫如栗脉浮大弦數重似瀉此憂患傷血宜用補以防
 變症以入參膏下竹瀝他工以十宜五香間與後值木
 風核高大有膿中起紅線過脊脊及左一作脇下急作
 參膏入芎朮湯薑汁飲之盡參三斤瘡潰又多與四物

加參朮芎歸陳皮甘草半夏生薑服之而愈
 一人面白神勞脇下生一紅腫如桃或教用補劑不信乃
 用流氣飲十宣散雜進血氣俱憊而死
 一人左絲竹空穴壅出一角如雞距此少陽經氣多血少
 氣朱戒其斷酒肉解食毒須針灸以開發壅滯他工以
 大黃硝腦等冷藥貼之一夜裂開如蚌肉血濺出長尺
 餘而死此冷藥外逼熱不得發故也
 一士人於背醫腿節次生疽用五香連翹湯十宣散而愈
 後脚弱懶語肌上起白屑如麩脉洪稍鼓時冬月朱作
 極虛更治令急作參其歸朮膏以二陳湯化下盡藥一斤
 半白屑沒大半呼吸有方其家嫌効遲自作風病治之

服青礬石等藥因致不救故書以為戒

一老婦形實性急嗜酒曾生疽方五日脉緊急且瀋用大黃細切酒炒為末以人參酒炒入薑煎湯調末一錢服少時再服得睡上身汗出而愈

橘泉翁治一人年八十餘有瘍發左耳後寒熱間作晝夜呼不可忍瘍醫欲與十宣散補托之翁曰此有餘之火無俟於補與防風通聖散加柴胡白芷下之腫消痛止皇祐中學究任道腿間患一瘡始發赤腫復絕變便黑後穴則有黃水出四邊浮漿起累治不差醫王通看之此瘡狹長似魚臍下瘡也遂以太針針四向井中隨針有紫赤水汁出如豆汁言此一因風毒蘊結而成二因久

坐血氣凝滯而至三因食肉有人汗落其間也道曰某素好讀書而又坐此疾數歲前夏月道中買猪肺味水飯疑似人肉食已後得此疾通曰與誤食人汗不遠矣以一異味散子用鷄子清調付其瘡日三易數日得愈道堅求其方通曰止用雪玄一味自後累訪名醫皆莫識雪玄為何物道因至許鄭間會醫郝老曰嘗記聖惠有一方治此疾用臘月猪頭燒灰以雞子清調付此方是也雪玄之名非郝老博學多記後醫豈不惑耶名醫類編南豐市民嚴黃七兩足生瘡臭氣潰膿衆皆驅片不容迹出貨角器於村野而旅舍又不容至京潛投宿於五未人祠下夜半遭黃衣吏訶逐曰何人敢以腐穢觸汚

此間謝曰不幸纏惡疾無處見容冒死來此紛拏次未
人曰抗聲令勿逐且呼使前曰吾授汝妙方用漏籃子
一枚生乾爲末入膩粉少許并水調塗當效嚴拜謝依
而治之果愈類編

未詳陳斗崑治金臺僧嗣真遍體生瘡癩歲久藥罔效陳曰此
太陰之經蘊風邪風化爲虫病也初猶未信翌日僧持
瘡痂數片內有虫如虱泣拜求治乃教以百部蛇床子
草烏頭練樹葉煎湯一缸令僧坐湯中浴一小時落瘡
痂蟲無數一月凡數浴僧遍體如白癩風狀而愈

吳焚山治一男子年近三十病後遍發癩毒醫以敗毒散
久服其毒遂收惟有瘡瘍而已忽一日食羊肉遂嘔過

一夜滿口發瘡狀如膿窠寒熱時作羸瘦憔悴諸醫皆
曰早間毒敗不盡故耳仍行敗毒涼劑渴熱轉生越數
旬飲食減少因請吳治曰脉浮無力此乃虛陽若用涼
劑不久危矣遂用附子理中湯服之少頃燥煩口開舉
家歸咎於附子曰此無妨彼人虛甚况熱藥熱服故燥
耳仍進一服其症遂安連進二次次早口瘡俱收寒熱
已定病遂愈此蓋虛陽染患不可不察也

百一選方趙子固先生母劉氏年近八十左足面一瘡下連大指上
延外鍊以至膝骨每歲輒數發發必屢月昏暮瘡甚爬
搔移時出血如泉呻吟痛楚殆不可忍夜分即漸已明
日復然每一更藥則瘡轉大而劇百試不驗如是二十

餘年淳熙間趙爲大府丞一夕母病大作相對悲泣無
言困極就睡夢四神僧默坐一室旁有長榻先生亦坐
因而發嘆一僧問其故先生答之以實僧云可服牛黃
金虎丹又一僧云硃砂亦可既覺頗驚異試取藥半粒
強服之良久腹大痛舉家且悔俄而下礪魂物如鐵石
者數升是夕瘡但微痒不痛而無血數日成痂自此遂
愈硃砂之說竟不復試先生因圖僧像如所夢者而記
其事金虎丹方出和劑本治中風痰涎壅塞所用牛黃
龍腦膩粉金箔之類皆非老人所宜服今乃服奇効意
此疾積熱藏府而發於皮膚歲久根深未易蕩滌故假
涼劑以攻之不可以常瘡論也神僧之夢蓋誠孝感所

致百一選方

有人遍身生熱毒痛而不痒手足尤甚至頸而止粘着衣
被曉夕不得寐痛不可忍有人教以石菖蒲三斗剉日
乾之春羅爲末布席上使患者恣卧其間仍以衣被覆
之既不粘着又復得睡五七日間其瘡如失後以此治
患此者應手効其石菖蒲根絡石生者節密入藥須此
等本草衍義

有人患遍身風熱細疹痒痛不可任連脇臂臍腹及近陰
處皆然痰涎亦多夜不得睡以苦參末一兩皂角一二兩
水一升揉攄取汁銀石器熬成膏和參末爲丸梧桐子
大二三丸溫水下食後次日便愈 本草衍義

有婦人患臍下腹上下連二陰遍滿生濕瘡如馬瓜瘡他
處並無痒熱而痛大小便瀉出黃汁飲食已減身面微
腫醫作惡瘡治用蠟蠟魚松脂黃丹之類藥塗上瘡愈
熱痛愈甚治不對故如此問之此人嗜酒貪嗜喜魚蝦
發風之物急令用溫水洗拭去膏藥尋以馬齒莧四兩
爛研細入青黛一兩再捻均塗瘡上即時熱減痒痛皆
去仍服八正散日三服分散客熱每塗藥得一時又藥
已乾燥又再塗新濕藥凡如此二日減三分之一五日
減三分之二自此二十日愈或問曰此瘡何緣至此曰
中下焦蓄風熱毒氣若不出當作腸癰內痔乃須常禁
酒及發風物然不能禁酒果患內痔本草衍義

致百一選方

未詳有人遍身生熱毒痛而不痒手足尤甚至頸而止粘着衣
被曉夕不得寐痛不可忍有人教以石菖蒲三斗剉日
乾之春羅為末布席上使患者恣卧其間仍以衣被覆
之既不粘着又復得睡五七日間其瘡如矢後以此治
患此者應手効其石菖蒲根絡石生者節密入藥須此
等本草衍義

有人患遍身風熱細疹痒痛不可任連脇臂臍腹及近陰
處皆然痰涎亦多夜不得睡以苦參末一兩皂角一二兩
水一升揉搥取汁銀石器熬成膏和參末為丸梧桐子
大二三九溫水下食後次日便愈本草衍義

有婦人患臍下腹上下連二陰遍滿生濕瘡如馬瓜瘡他
更並無痒熱而痛大小便瀉出黃汁飲食已減身而微
腫醫作惡瘡治用蠟蠟魚松脂黃丹之類藥塗上瘡愈
熱痛愈甚治不對故如此問之此人嗜酒貪啗喜魚蝦
發風之物急令用溫水洗拭去膏藥尋以馬齒莧四兩
爛研細入青黛一兩再捻均塗瘡上即時熱減痒痛皆
去仍服八正散日三服分散客熱每塗藥得一時久藥
已乾燥又再塗新濕藥凡如此二日減三分之一五日
減三分之二自此二十日愈或問曰此瘡何緣至此曰
中下焦蓄風熱毒氣若不出當作腸癰內痔乃須常禁
酒及發風物然不能禁酒果患內痔本草衍義

復

赤詳
一人遍身忽然肉出如錐痒痛不能飲食名血擁用赤皮
葱燒灰水淋汁洗內服淡豆鼓湯數盞而愈
一人渾身生泡如甘棠梨破則出水內有石一片如指甲
大其泡腹生抽盡肌肉不可治矣急用三稜莖末各五
兩為末分三貼服酒調下
一人頂上生瘡如櫻桃有五色瘡破則頂皮斷逐日飲牛
乳自消
一人患此瘡脚膝攣痛有人取蝦蟆治如食法令食之而
攣痛自愈此亦偶中也
又一人患此瘡脚痛而腫或令採馬鞭草煎湯薰洗湯氣
纔到患處便覺爽快後溫洗之痛腫隨減

一人患此瘡愈後數年通身筋骨疼痛遇一道流問曰
神色憔悴有病耶曰因瘡遍身痛也道流曰輕粉毒也
遂示一方藥味不過數品但每貼入鉛五錢打扁同煎
服之果驗

薛

名前叔齒

薛已治四明屠壽卿孟夏當門齒如有所擊痛不可忍

洪大而弦薛曰弦洪相搏欲發瘡毒也先用清胃散加
白芷金銀花連翹一劑痛即止至晚鼻上發一瘡面腫
黯痛更用前藥加犀角一劑腫至兩額口出穢氣脉益
大惡寒內熱此毒熾血瘀藥力不能驟敵乃數砭患處
出紫血服犀角解毒之劑翌日腫痛尤甚又砭患處與
唇上并刺口內赤服各出毒血再服前藥至數劑而愈

林

翰

若泥沉神不行砭刺或全仗藥力鮮不誤矣

翰林屠漸山年逾四十患濕毒瘡誤用輕粉之劑虧損血

氣久不愈一日將補診其肝脉忽洪數而有力薛告之
曰何肝脉之如此侵晨瘡出紫血三四碗許體倦自汗
雖甚可畏所喜血黯而脉靜此輕粉之熱血受其毒而
妄行其毒亦得以泄矣但邪氣去真氣虛也當急用獨
參湯主之屠感於他言以致邪氣連綿不已竟不起

躁

一

婦人性燥寒熱口苦脇痛耳鳴腹脹溺瀦年踰矣症屬
肝火用四君加柴胡炒山梔炒龍膽數劑乃與逍遙散
兼服而瘡愈又與六味丸及逍遙散七十餘劑諸症悉
退若有愈後身起白屑搔則肌膚如帛所隔此氣血虛

不能營于腠理用大補之劑若有愈後發熱身起疙瘡
痒痛搔破膿水淋漓經候不調此肝火血熱用四物加
柴胡山梔白朮茯苓丹皮甘草

^{和詳}一婦人日晡身痒月餘口乾又月餘成瘡服祛風之劑膿
水淋漓午前畏寒午後發熱殊類風症薛謂此肝經鬱
火外邪所搏用補中益氣加山梔釣藤又以逍遙散加
川芎貝母而愈

^{同上}一男子年十六夏作渴發熱吐痰唇燥遍身生疥兩腿尤
多色黯作痒日晡愈熾仲冬腿患瘡尺脉洪數薛曰疥
腎痺也瘡骨疽也皆腎經虛症針之膿出其氣氤氳薛
謂火旺之際必患瘡症遂用六味地黃十全大補不一

旬諸症愈而瘡症具仍用前藥而愈抵及娶妻^至正春其
症復作父母憂之俾其外寢雖其年少謹疾亦服地黃
丸數片煎藥二百餘劑而愈

^{至按二五}石山治一人色蒼黃瘦年三十餘病遍身惡瘡因服輕粉
而脚拘攣手指節腫額前神庭下腫如鷄卵大方士令
服孩兒骨謂能補也汪診視脉皆濡緩而弱曰病已三
年毒已盡矣但瘡潰膿血過多以致血液衰少筋失所
養故脚為之拘攣况上指節間頭上額前皆血少運行
難到之處故多滯而成腫理宜潤經益血行滯散腫今
服孩骨猛火炮炙燥烈殊甚且而所服輕粉性亦燥烈
丹溪曰血難成湯虧今外被瘡膿所涸內被輕粉所燥

以難成易虧之血其何以當內外之耗不惟腫不能消
恐天年亦為之損也特正仲夏乃用十全湯去桂附加
紅花牛膝黃柏薏苡仁木香火麻仁羌活煎服百貼空
心常服東垣四神丹加黃柏又少加蜀椒以其能采水
銀然後脚伸能行指腫亦消惟額腫付膏而愈

^{四五}一人年三十餘因患此瘡服輕粉致右腹脇下常有痞塊
右眼黑珠時有疔子努出如雀屎許間或又消身有數
瘡未痊一醫為治瘡毒而用硝黃一醫為治痞塊而用
攻剋一醫為治眼疔而用寒涼諸症不減反加腹痛腸
鳴太便秘泄胃膈壅悶不思飲食噎氣吐沫身熱怠倦
夜卧不安季冬汪往視脈皆浮濡近駛曰誤於藥也前

藥多係毒劑胃中何堪遂令棄去更用人參四錢黃芪
二錢白朮三錢茯苓炒芍藥各一錢陳皮神曲升麻各
七分甘草肉苁蓉各五分煎服五貼為泄痛定減去升
麻又服五貼膈寬食進減去苁蓉再服五貼諸症皆除
月餘瘡塊亦散眼疔亦消

^{同上}一婦瘦長面紫每遇春末夏初兩脚生瘡膿泡根紅艱於
行步經水不調汪診視脈皆濡弱近駛兩尺稍滑曰血
熱也醫用燥劑居多故瘡不瘳合用東垣四神丹加黃
柏蜜丸服之瘡不復作

^{本書作者}江篁南治旃由張氏子年二十餘因坐卧濕地遍身發瘡
如血風狀醫與宣熱敗毒祛風之劑過多瘡雖稍愈而

氣血侵損多矣身發寒熱步履艱難秋間輿來就治脈濡弱不任尋按脰瘡殊甚腹內作膨作瀉午後發寒熱至五更汗出而退初為滋補氣血兼扶脾清熱消導二劑膨去瀉止四服寒熱退但脾傷氣虛四肢無力泄瀉時作乃以參芪歸朮陳皮枳實黃柏麥冬等藥出入加減遣歸二月而愈因以葦酒水洗手足致瘡痍復大發脈浮細而數初與防風通聖散二服及與去風濕藥洗之瘡痍漸瘳繼與托裏健脾清熱之劑月餘而安

松江一人生天泡瘡遍體越數日每泡中放出石子一箇隨其泡形為之大小

吳城一人腰間生一瘡膿中流出蚘虫四條醫亦甚駭耳

目所未經者瘡後自愈不致傷生楓橋瘍醫龔生目觀人小腹生瘡流出蚘虫二條俱長六七寸後亦自愈

湖

五十四日

翻花瘡

薛已治

薛已治判官張承恩內股患癰將愈翻出一肉如茵薛曰此屬肝經風熱血燥當清肝熱養肝血彼不信乃內用降火外用追蝕蝕而復翻翻而復蝕其肉益大元氣益虛始信薛言治之而痊

茵

一男背瘡斂如豆許翻出肉一寸餘恪用消蝕藥并繫法屢去屢大三寸許矣用加味逍遙散三十餘劑外塗黎盧膏而消瘡口將斂乃用八珍散倍用參芪歸朮峻補而斂

一婦人素善怒臂患癰瘡口出肉長二寸許用加味逍遙散藜蘆膏而愈後因怒患颰脹悶遍身汗如雨此肝經

風熱風能散氣而然耳仍用前散并八珍湯而愈

一儒者頂患腫硬乃用散堅行氣化痰破血之劑腫硬愈甚喘氣發熱自汗盜汗形體倦怠飲食少思薛曰此屬足三陰虧損當滋化源彼惑衆論乃用追蝕患颰開翻六寸許巉岩色赤日出鮮血三月餘矣肝脈弦洪緊實薛用十全大補湯加麥冬五味五十餘劑諸症稍得血止三四復因怒飲食頓少血自湧出此肝傷不能藏血脾傷不能攝血乃用補中益氣為主加五味麥冬飲食漸進其血頓止再以六味丸加五味常服瘡口漸斂

疔瘡

未詳張嗣伯嘗聞屋中呻吟張曰此勞甚重乃往視之見一老

姥稱體痛而處處有黯黑無數張還黃斗餘湯送令服

之服訖痛勢愈甚跳投床者無數須更斫黯處皆拔出

釘長寸許以膏塗膏三日而復云此名釘疽也史記

鄧氏台康云一婦年近六十右耳下天窓穴間患一疔瘡

其頭黑靨四邊泡起黃水時流渾身麻木發熱譫語時

時昏沈六脉浮洪用烏金散汗之就以鉗針先刺瘡心

不痛周遭再刺十餘下紫黑血出方知疼痛就將寸金

錠子絛入瘡内外用提丁錠子放於瘡上膏藥貼護次

日汗後精神微爽却用破棺丹下之病即定其疔潰動

史

[Faint bleed-through text from the reverse side of the page]

後用守効散貼，蓋紅玉錠子維之，八日其疔自出矣。茲所謂審脈症汗下之間治以次第如此，視彼不察脈症，但見發熱譫語，便投涼藥與下，或兼以香鼠之藥，遂致誤人者，徑處矣。

薛已治一婦，左手指患疔，麻痺寒熱惡心，左半體皆麻，脈數不時見，曰：凡瘡不宜不痛，不可大痛，煩悶者不治。今作麻痺，尤其惡也。用奪命丹二服，不應，又用解毒之劑，麻痺始去，乃作腫痛。薛曰：勢雖危，所喜作痛，但毒氣無從而泄，乃針之。諸症頓退，又用解毒之劑而瘡。

蘇痒盛原博掌後患疔，紅絲至腕，惡寒發熱，勢屬表症，與奪命丹一服，紅絲頓消，又用和解之劑，太勢已退，彼又

服敗毒藥，發渴發熱，紅絲仍見，脈浮大而虛，此氣血受傷，而然以補中益氣湯主之，而愈。蓋奪命既服，瘡邪已散，而復用敗毒之劑，是誅伐有過，失內經之旨矣。

一儒者患疔，元氣素弱，薛補其氣血，出膿而愈。後因勞後瘡痕作痒，乃別服敗毒散一劑，以致口噤舌強，手足搐搦，痰涎上湧，自汗不止。此氣血復傷，而復瘕也。用十全大補加附子一錢，灌服而甦。

一男子患疔，服奪命湯，汗不止，瘡不痛，熱不止，便不利，此汗多亡陽而真氣傷矣。用參芪歸朮芍防五味二劑，諸症悉退，惟以小便不利為憂。薛曰：汗出不利，小便汗止，則陽氣復而自利矣。仍用前藥去防風，加麥冬倍用黃

芩當歸四劑而便行瘡潰而愈

一老婦手大指患疔為人針破出鮮血手皆俱腫半體俱痛神思昏憤五日矣用活命飲二劑始知痛在手瘡勢雖惡元氣復傷不宜大攻用大補湯及活命飲各一劑外用蒲蒜灸喜其手指皆赤腫而出毒水又各一劑赤腫漸潰又用托裏藥而瘡

表甥居富右手小指患疔色紫或云小瘡鍼刺出血數以涼藥掌指腫三四倍黯而不痛神思昏憤煩燥不寧此真氣奪而邪氣實也先以奪命丹一服活命飲二劑稍可薛因他往或遍刺其手出鮮血碗許腫延臂腕大如瓠手指腫數倍不能潰薛用大劑參芪歸朮之類及

轉失氣

類灸遍手而腫漸消但大便不實時當泄氣此元氣下陷以補中益氣加骨脂肉蔻吳茱五味大便實而氣不泄又日以人參五錢麥冬三錢五味二錢水煎代茶飲之又用大補藥五十餘劑而漸愈此症初若不用解毒之劑後不用大補之藥欲生也難矣

一人年二十習患疔四日矣有紫脈自瘡延至口內將及乎喉薛曰此真氣虛而邪氣實也若紫脈過喉則難治矣須針紫脈併瘡頭出惡血以泄其毒則可乃別用解毒之劑頭面俱腫求治甚篤薛曰先日之言不誣矣診其脈洪數按之如無口內腫脹針不能入為破面與唇出黑血碗許勢雖少退略進湯終至不起

都憲張恒山左足指患之痛不可忍急購蒜灸三十餘壯
即能行步欲速愈或用涼藥敷貼遂致血凝肉死毒氣
復熾再灸百壯脈活命飲出紫血毒纔得解脚底通潰
腐筋爛肉甚多將愈誤用生肌藥反助其毒元氣虧損
而不能愈薛治以托裏藥毒其稟實皮脫三月餘方愈
大凡疔患于肢節灸法有回生之功設投以涼劑收斂
腠理隧道壅塞邪氣愈甚多致不起若毒未盡驟用生
肌輕者反增潰爛重者必致危亡

一男子足指患疔腫焮痛赤用隔蒜灸人參敗毒散加金
銀花白芷大黃二劑痛止又用十宣散加天花粉金銀
花去桂數劑而愈外科樞要有論宜考

濮陽傳云萬曆丁亥金臺有婦人以羊毛遍鬻於市忽不
見繼而都人身生泡瘡漸大痛死者甚衆瘡內惟有羊
毛道人傳一方以黑荳蕎麥爲粉塗擦毛落而愈名羊
毛疔

名醫類案卷之九終

Faint bleed-through text from the reverse side of the page, including characters like '命' and '人'.

七

七

